



**Scientia Salvatis, Sive Considerationes Piæ, Præcipuam  
Spiritualis Vitæ Materiam complectens**

**Laberhittel, Samuel**

**Ingolstadii, 1660**

264. feria 6. de Constantia.

---

[urn:nbn:de:hbz:466:1-59837](#)

Feria 5. Domin. 13. post Pentecost. 471

ullo vindictam sumere , sed debitoribus, inimicis & inimicis ignoscere, adulteram accusatam absolvit : reis pœnitentiam suavit. Mulierem in civitate peccatricem pœnitentem suscepit. Clemens erga nolentes se recipere, contra tentantes se , erga negantem se Petrum, derelictus ab omnibus Discipulis in Passione, hanc injuriam à Resurrectione nunquam ihs objecit. 3. Fragilitas humana, ignorantia, passio, vis: ad peccatum impellantia elevant malitiam.

Conf. 3. Actiones ejus. 1. Pœnas debitas moderatè remittere. 2. Defectus non nimis enormes interdum dissimulare. 3. Severitate uti in homines procaces, & malignos, qui alter in officio non possunt contineri. Ita Christus flagello ejiciebat è templo.

#### MEDITATIO CCLIV.

Feria 6. Domin. 13. post Pentecost.

#### De Constantia.

Videbo D. IESVM præeligentem perdere vitam, quam in semel coepto virtutum cursu constantiam. Petam eum imitari.

Conf. 1. Constantia est virtus , quâ bonorum operum impedimenta, sive ex cordis mobilitate, sive ex causis extrinsecis provenientia superamus , & in bono stabiliter permanemus.

Conf.

472 *Sabb. Domin. 13. post Pentecost.*

*Cons. 2.* Incitamenta. 1. Constantia sanctorum Martyrum & Confessorum, qui propter acerbissima mala à Deo non recesserunt.  
2. Per constantiam primi parentis lapsum corrigimus, & famam utcunque resarcimus.  
3. Non sufficit bonum inchoare, amittitur enim, à quo per instabilitatem recedimus.

*Cons. 3.* Actiones ejus. 1. Statū perfectiōnis semel arreptum nunquam mutare.  
2. Modum nos continendi à majoribus, & Deo acceptum, nisi ab hoc ad alium vocemus semper tenere. 3. in hoc aut alio officio, locove a præside designato sine inquietudine manere. 4. Superfluos discursus, & non necessarias visitationes atque negotia fugere. 5. Cogitationes & desideria in uno Deo fixa habere. 6. Ab his, quæ Deo placent, ob nullam difficultatem cessare. 7. In desiderio proficiendi, & virtutem agendi nunquam intepescere.

### MEDITATIO CCLXV.

*Sabbato Domin. 13. post Pentecost.*

*Quomodo B. Virgo in his Virtutibus excelluerit.*

**V** Idebo B. Virginem Virtutibus Abstinentiæ, Beneficentiæ, Castitatis, Circumspectionis, Clementiæ, Constantiæ sociatam, & ornatam, Petam eam imitari,

*Consig*